



Broj: 06-1-07-1-47/25

Sarajevo, 08.04.2025. godine

Na osnovu člana 2.9 stav (1) tačka 11, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Poglavlja V. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 31/24), Centralna izborna komisija Bosne i Hercegovine je na 18. sjednici, održanoj 08.04.2025. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Općinskog vijeća Novi Grad Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Novi Grad Sarajevo, kako slijedi:
1. Kandidatska lista političke stranke **BOSANSKA STRANKA MIRNES AJANOVIĆ, dobila je jedan (1) glas,**
 2. Kandidatska lista političke **STRANKE DEMOKRATSKA FRONTA, dobila je jedan (1) glas,**
 3. Kandidatska lista grupe vijećnika **"DŽANKO ZUKOBAŠIĆ I OSTALI, dobila je pet (5) glasova,**
 4. Kandidatska lista grupe vijećnika **"KEČ I OSTALI", dobila je pet (5) glasova,**
 5. Kandidatska lista grupe vijećnika **"OKERIĆ I OSTALI", dobila je šest (6) glasova,**
 6. Kandidatska lista grupe vijećnika **"SMJEČANIN I OSTALI", dobila je šest (6) glasova,**
 7. Kandidatska lista grupe vijećnika **"ŠEHOVIĆ - ČOMOR", dobila je sedam (7) glasova.**
- (2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Novi Grad Sarajevo sljedećim vijećnicima:
1. **Nejra Džanko Zukobašić,**
 2. **Hana Keč,**
 3. **Dino Okerić,**
 4. **Jasmin Smječanin,**
 5. **Azra Čomor,**
 6. **Damir Filipović i**
 7. **Bojan Vučković.**

O b r a z l o ž e n j e

Općinsko Vijeće Novi Grad Sarajevo dostavilo je, dana 27.02.2025. godine, Centralnoj izbornoj komisiji BiH akt, broj: 01-02-3530/25 od 27.02.2025. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

Članom 27. stav (1) i stav (2) Statuta Grada Sarajeva („Službene novine Kantona Sarajevo“, broj: 7/23), propisano je da se Gradsko vijeće sastoji od 28 gradskih vijećnika i svako općinsko vijeće općina koje čine Grad Sarajevo bira po sedam delegata u Gradsko vijeće iz reda općinskih vijećnika.

Stavom (3) istog člana Statuta Grada Sarajeva određeno je da Bošnjacima, Hrvatima i Srbima, kao konstitutivnim narodima, pojedinačno je zagarantovan minimum od šest mjesta u Gradskom vijeću, a grupi Ostalih najmanje dva mjesta, bez obzira na izborne rezultate.

Dalje, stavom (4) istog člana određeno je ukoliko se izborom gradskih vijećnika iz reda općinskih vijećnika ne može popuniti minimalan broj mjesta zagarantovan stavom (3) ovog člana, gradski vijećnici se biraju iz reda kandidata s lista političkih stranaka zastupljenih u općinskim vijećima, a na osnovu izbornih rezultata.

U skladu sa članom 28. stav (4) Statuta Grad Sarajeva, svako općinsko vijeće koje čini Grad Sarajevo ima obavezu delegirati u Gradsko vijeće najmanje po jednog kandidata iz reda svakog konstitutivnog naroda.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Novi Grad Sarajevo, glasali su svi vijećnici za prethodno ovjerenih sedam (7) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. Kandidatska lista političke stranke BOSANSKA STRANKA MIRNES AJANOVIĆ, **dobila je jedan (1) glas,**
2. Kandidatska lista političke stranke DEMOKRATSKA FRONTA, **dobila je jedan (1) glas,**
3. Kandidatska lista grupe vijećnika "DŽANKO ZUKOBAŠIĆ I OSTALI, **dobila je pet (5) glasova,**
4. Kandidatska lista grupe vijećnika "KEČ I OSTALI", **dobila je pet (5) glasova,**
5. Kandidatska lista grupe vijećnika "OKERIĆ I OSTALI", **dobila je šest (6) glasova,**
6. Kandidatska lista grupe vijećnika "SMJEČANIN I OSTALI", **dobila je šest (6) glasova,**
7. Kandidatska lista grupe vijećnika "ŠEHOVIĆ - ČOMOR", **dobila je sedam (7) glasova.**

Članom 28. stav (8) i stav (9) Statuta Grada Sarajeva, propisano je da se mandati za Gradsko vijeće dodjeljuju kandidatskim listama, prema broju dobijenih glasova, po sistemu proporcionalne zastupljenosti kandidata sa kandidatskih lista, u skladu s Izbornim zakonom Bosne i Hercegovine, odnosno, dijele se po redu, počev od najvećeg količnika, dok se ne raspodjele svi mandati iz općinskog vijeća za Gradsko vijeće. Raspodjela mandata među kandidatima s iste kandidatske liste vrši se prema redoslijedu kandidata na kandidatskoj listi.

Odredbom člana 13.10 stav (2) Izbornog zakona Bosne i Hercegovine propisano je „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Članom 28. Stav (10) Statuta Grada Sarajeva određeno je da ukoliko se za određivanje posljednjeg, sedmog mandata dobije isti količnik, mandat se dodjeljuje ždrijebanjem. Ždrijebanje se provodi odmah po objavi rezultata u prisustvu svih vijećnika općinskog vijeća, na način kako o tome odluči općinsko vijeće.

U skladu s navedenim, identičan posljednji količnik za dodjelu sedmog mandata imaju:

1. **Aida Ožegović (Bošnjak)** – Kandidatska lista grupe vijećnika "OKERIĆ I OSTALI",,
2. **Edita Šandal (Bošnjak)** – Kandidatska lista grupe vijećnika "SMJEČANIN I OSTALI".

U skladu s navedenim, Centralna izborna komisija Bosne i Hercegovine je, aktom broj 06-1-07-1-47/25 od 05.03.2025. godine, dostavila Općinskom vijeću Novi Grad Sarajevo obavijest o potrebi provedbe postupka žrijebanja za dva posljednja identična količnika, a kako bi bilo moguće utvrditi posljednji mandat iz Općinskog vijeća Novi Grad Sarajevo za Gradsko vijeće Grada Sarajeva.

Dana 28.03.2025. godine, Općinsko vijeće Novi Grad Sarajevo je dostavilo Centralnoj izornoj komisiji Bosne i Hercegovine Zaključak, broj: 01-02-5780/25 od 27.03.2025. godine, te obavijest, broj: 01-02-3530/25 od 27.03.2025. godine, o provedenom žrijebanju za dva posljednja identična količnika, pri čemu je utvrđeno da je posljednji mandat osvojila:

1. **Aida Ožegović (Bošnjak)** – Kandidatska lista grupe vijećnika "OKERIĆ I OSTALI",,

Imajući u vidu naprijed navedene zakonske odredbe, raspodjelom mandata u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, bilo bi delegirano šest vijećnika iz reda bošnjačkog naroda i jedan vijećnik iz reda Ostalih, te nijedan vijećnik iz reda hrvatskog naroda i nijedan vijećnik iz reda srpskog naroda.

Općinsko vijeće Novi Grad Sarajevo za Gradsko vijeće Grada Sarajeva, od sedam izabranih gradskih vijećnika, nije delegiralo najmanje jednog kandidata iz reda konstitutivnih naroda, **odnosno nije delegiran vijećnik iz reda hrvatskog naroda i vijećnik iz reda srpskog naroda.**

Odredbama člana 28. stav (11) i stav (12) Statuta Grada Sarajeva propisano je da ukoliko se ovako provedenim izborima u općinskom vijeću za Gradsko vijeće, među sedam izabranih gradskih vijećnika, ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu (5) ovog člana, umjesto izabranog vijećnika, za Gradsko vijeće s najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik, i tako sve dok se ne dođe do kvalificiranog kandidata.

Uvidom u ovjerene kandidatske liste iz Općinskog vijeća Novi Grad Sarajevo, utvrđeno je da se na kandidatskoj listi grupe vijećnika „KEČ I OSTALI“ na poziciji 2. nalazi neizabrani kandidat Damir Filipović, iz reda hrvatskog naroda i na kandidatskoj listi grupe vijećnika „OKERIĆ I OSTALI“ na poziciji 3. nalazi neizabrani kandidat Bojan Vučković iz reda srpskog naroda.

Najmanji količnik je osvojila kandidatska lista grupe vijećnika "OKERIĆ I OSTALI" (2,00), gdje se na poziciji pod brojem 3. nalazi neizabrani kandidat iz reda srpskog naroda, te se primjenom člana 28. stav (11) Statuta Grada Sarajeva, u postupku preraspodjele prvog mandata, odnosno umjesto kandidatu pod brojem 2. Aida Ožegović (Bošnjakinja), mandat u Gradskom vijeću Grada Sarajeva delegira Bojanu Vučkoviću, kandidatu iz reda srpskog naroda sa iste kandidatske liste.

Za preraspodjelu drugog mandata, izvršen je uvid u narednu kandidatsku listu sa najmanjim količnikom (2,33) kandidatska lista grupa vijećnika „ŠEHOVIĆ-ČOMOR“ koja na svojoj listi nema neizabranog kandidata iz reda hrvatskog, te se primjenom člana 28. stav (11) i stav (12) Statuta Grada Sarajeva, u postupku preraspodjele drugog mandata, odnosno, umjesto kandidatu pod brojem 2. Haris Alihodžić (Ostali), mandat u Gradskom vijeću Grada Sarajeva delegira se Damiru Filipoviću, neizabranom kandidatu iz reda hrvatskog naroda, sa kandidatske liste grupe vijećnika „KEČ I OSTALI“, jedine kandidatske liste iz Općinskog vijeća Novi Grad Sarajevo, na kojoj se nalazi neizabrani kandidat iz reda hrvatskog naroda.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 08.04.2025. godine na web stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.

